




Hrvatski
koncern
otvorio
poslovnu
zgradu u
Sarajevu

"Agram" uložio 40 miliona KM

Nova poslovna zgrada
"Agrama" u Sarajevu



B. SIMIĆ

SARAJEVO - Otvorenjem poslovne zgrade u Sarajevu, u sklopu koje se nalazi i poliklinika, hrvatski koncern "Agram" juče je započeo pružanje usluga dobrovoljnog zdravstvenog osiguranja u BiH.

Poslovna zgrada, veličine 10.000 metara kvadratnih, rađena je prema najvišim standardima i novo je sjedište članica koncerna – osiguravajućih kuća "Euroherec" i "Bosna Sunce", "Euroleasinga", društva "Agram", poliklinike "Sunce-Agram" i Stanice za tehnički pregled vozila.

Potpredsjednik koncerna "Agram"

Adnan Terzić, inače bivši predsjedavajući Vijeća ministara BiH, dodao je da je poliklinika jedan od najjačih dijagnostičkih centara u regiji zapadnog Balkana.

"Ova poliklinika biće središnja i iz nje ćemo dalje razvijati program na cijelu BiH", kazao je Terzić.

U polikliniku je ugrađena savremena medicinska oprema vrijedna oko deset miliona KM, što je ukupnu "Agramovu" investiciju u Sarajevu podiglo na oko 40

miliona KM. Član Predsjedništva BiH Željko Komšić kazao je da je impresioniran dosadašnjim uspjesima koncerna na tržištima Hrvatske i BiH.

"Cifre o 3.000 zaposlenih radnika u 500 podružnica i poslovnica i gotovo milijarda KM ostvarenog prihoda u prošloj godini, uz više od milion korisnika raznih vrsta usluga, na najbolji način govore o značaju prisustva ovog koncerna u BiH", rekao je Komšić.

Koncern "Agram" ponudio je bh. građanima novi vid zdravstvenog osiguranja u poliklinici "Sunce-Agram", nakon što je ovakav zdravstveni sistem uspješno uspostavio u Hrvatskoj.

"Mi pružamo brzu uslugu, bez čekanja i suvišnih procedura. Formirali smo paket policia za tržište BiH koji je prilagođen sadašnjoj socijalnoj situaciji", kazao je Željko Pervan, predsjednik Uprave "Bosna Sunca osiguranja".

Na svečanosti otvorenja poslovne zgrade ovaj koncern poklonio je 50.000 općini Novi grad za izgradnju dječjeg igrališta i razvoj sportskih i kulturnih sadržaja, a ček je primio načelnik općine Damir Hadžić.